



Broj: 07/2-14-1561/19
Vogošća, 30.09.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 30.09.2019. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE OSIGURANJA IMOVINE
OPĆINE VOGOŠĆA**

Član 1.

Ponuda ponuđača "Adriatic osiguranje" d.d. Sarajevo, ulica Trg međunarodnog prijateljstva broj 20. Sarajevo, odabrana je za pružanje usluge osiguranja imovine Općine Vogošća, kao prvoplasirana na Rang listi, sa ponudenom najnižom cijenom tehnički zadovoljavajuće ponude u iznosu od od 2.900,00 KM bez uračunatog PDV-a.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 28.08.2019. godine donio Odluku o pokretanju Otvorenog postupka nabavke usluge osiguranja imovine Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 02.09.2019. godine pod brojem: 1353-1-2-183-3-136/19.

Sažetak Obavještenja o nabavci objavljen je u "Službenom glasniku BiH" broj: 60/19 od 06.09.2019. godine.

Tendersku dokumentaciju sa Portala javnih nabavki BiH je preuzelo 8 (osam) ponuđača. Krajnji rok za dostavu ponuda bio je 19.09.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 19.09.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-1561/19 iz augusta 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1	"Osiguranje Aura" a.d. Banja Luka	5.022,97	/	/
2	"Sarajevo osiguranje" d.d. Sarajevo	5.943,10	/	/
3	"Asa osiguranje" d.d. Sarajevo	4.187,96	/	/
4	"Adriatic osiguranje" d.d. Sarajevo	5.942,23	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Osiguranje Aura" a.d. Banja Luka,
- "Sarajevo osiguranje" d.d. Sarajevo,
- "Asa osiguranje" d.d. Sarajevo i
- "Adriatic osiguranje" d.d. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke konstatuje da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Privredne komore Republike Srpske, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2019. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 25.09.2019. godine u 13:00 sati.

U toku trajanja E-aukcije došlo je do očiglednih tehničkih problema i prekida iste. Obzirom da završenu E-aukciju sistem (Portal javnih nabavki) nije evidentirao ni kao završenu ni kao zakazanu, dana 26.09.2019. godine je zatražena tehnička pomoć od Agencije za javne nabavke BiH.

U odgovoru dobijenom od Agencije za javne nabavke BiH je objašnjeno da je na serveru došlo do kratkotrajnog prekida konekcije u 14:24, tako da su E-aukcije koje su bile u toku u tom periodu dobile status "prekinute", te da će pomenutu E-aukciju zakazati ponovo sa postignutim vrijednostima u momentu prekida.

E-aukcija je bila ponovo zakazana od strane Agencije za javne nabavke BiH dana 30.09.2019. godine u 13:00 sati, a u skladu sa članom 7. stav 3. Pravilnika o uslovima i načinu korištenja E-aukcije ("Službeni glasnik BiH" broj: 66/16), i to sa postignutim vrijednostima do momenta prekida.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 30.09.2019. godine, Komisija za javne nabavke je sačinila sljedeću Rang listu u Otvorenom postupku nabavke usluge osiguranja imovine Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a
1	"Adriatic osiguranje" d.d. Sarajevo	2.900,00
2	"Sarajevo osiguranje" d.d. Sarajevo	2.925,00
3	"Asa osiguranje" d.d. Sarajevo	3.070,00
4	"Osiguranje Aura" a.d. Banja Luka	3.376,82

*U skladu sa članom 32. Pravilnika o primjeni zakona o porezu na dodatnu vrijednost ("Službeni glasnik BiH" broj: 93/05, 21/06, 60/06, 06/07, 100/07, 35/08 i 65/10) usluge osiguranja i reosiguranja su oslobođene plaćanja PDV-a.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg "Adriatic osiguranje" d.d. Sarajevo, za pružanje usluge osiguranja imovine Općine Vogošća, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 2.900,00 KM bez uračunatog PDV-a.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

- | | |
|---------------------------------------|-------------|
| 1."Osiguranje Aura" a.d. Banja Luka | 051/456-681 |
| 2."Sarajevo osiguranje" d.d. Sarajevo | 033/223-835 |
| 3."Asa osiguranje" d.d. Sarajevo | 033/255-618 |
| 4."Adriatic osiguranje" d.d. Sarajevo | 033/755-500 |
| 5. Nadležnoj Službi | |
| 6. U dosije | |
| 7. a/a | |

